



# Bulteno de la Londona Esperanto-Klubo

<https://londonaesperantoklubo.com>

Januaro - februaro 2023

## Kluba programo:

### Januaro:

6. Kiel kreskigi Esperantujon per Eventa Servo. Yves Nevelsteen.



13. Novjara festo. (Ĉeeste en Highbury).



20. Verki facile ne estas facile: pri uea.facila. Anna Lowenstein.



27. Tio, kio ĝenas min en la nuna Esperanto. Brian Moon.



### Februaro:

3. 30 oraj horoj, programo pri instruado de Esperanto al instruistoj. Laura Brazzabeni kaj Alessandra Madella.



10. Lud-vespera kunveno en Londono. (Ĉeeste en Highbury).



17. 10 mil dolaroj monate por via asocio ĉe Google Ads. Emilio Cid.



24. Komuna vespermanĝo. (Vidu apartan anoncon)



## Lokoj, horaroj kaj aliaj informoj:

LEK kutime kunvenas vendredvespere. La duan vendredon de ĉiu monato la kunvenoj estas surlokaj kaj okazas en nia renkontiĝejo en Highbury. La renkontiĝoj komenciĝas je la **19.15h (UTC)**. Aliaj surlokaj kunvenoj okazas de tempo al tempo kaj por scii pli pri tiuj, bv. viziti la paĝon 'events' ĉe nia retejo. La ceteraj vendredaj kunvenoj okazas en la interreto per la sistemo Zoom, kun komenc-horo je la **19h (UTC)**. Ĉiuj Klubanoj kaj vizitantoj, proksimaj kaj foraj, povas do ankoraŭ havi la eblon partopreni en la kluba vivo.

Novaj spektantoj de la interretaj kunvenoj bonvolu peti ligilon al la proksim-vendreda Zoom-renkontiĝo de la sekretario. [lek.sekretario@gmail.com](mailto:lek.sekretario@gmail.com).

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti [mallonge.net/LEK-jutubo](https://mallonge.net/LEK-jutubo)

## Mesaĝo de la prezidanto:



### Karaj klubanoj,

Jen venas nova jaro – kun espero por novaj spertoj kaj, espereble, novaj vizaĝoj por la klubo. Kelkaj jam komencis aperi en la fino de 2022 do ni estu optimismaj!

Antaŭ 120 jaroj ĉi-monate, la 12-an de januaro 1903, nia klubo estis fondita en la oficejo de W. T. Stead en Londono sed longe antaŭe estis farita laboro, kiu kondukis al ĝia starigo. Fine de 1887 aperis artikolo en Londona ĵurnalo, St James gazette, pri lingvo nomita "Internacional", inventaĵo de iu D-ro Esperanto. La redaktoro de la gazeto estis W. T. Stead. Tio estis la komenco de lia intereso pri Esperanto.

Ni certe celebros tiun jubileon ĉi-jare. Ni ankoraŭ ne decidis la daton sed estus bone kapti la okazon por memori nin ankaŭ pri la pasintaj jardekoj. Se vi havas fotojn aŭ ĝeneralajn informojn pri la klubo, kiujn vi ŝatus diskonigi al la membroj, nepre sciigu nin kiel eble plej frue.



Kelkaj partoprenantoj de la Zamenhofa vespero okazinta la 9-an de decembro en Highbury.

La komenco de la jaro signifas la rekomencon de nia reta lingva kursaro. Ĉi-monate LEK lanĉos novajn trimonatajn kursojn je diversaj niveloj. Kiel kutime, ni atendas ĉirkaŭ 100 lernantojn. Kompreneble nur kelkaj el ili estos londonanoj sed, espereble, tiuj fariĝos LEK-anoj estontece. Vi trovos pliajn informojn en nia retejo en la rubriko "Learn Esperanto".

Nepre notu la daton de nia novjara festo (13/01) kaj tiun de nia tradicia kluba vespermanĝo (24/02). Legu prie la informojn en la bulteno. Cetere, ĉi-jare, nia jarkunsido okazos vendredon la 31-an de marto.

Fine, sed ne malpli grave, la nova jaro signifas ankaŭ, ke estas tempo por remembiĝi. Memoru, ke eblas fari tion tre facile rete pere de nia retejo:

[londonaesperantoklubo.com/Membrigo.html](http://londonaesperantoklubo.com/Membrigo.html) aŭ

persone dum la novjara festo, retmesaĝe kaj leterpoŝte. Dankon.

**Feliĉan Novjaron al ĉiuj!**

*Amike, Anthony*


## Nia renkontiĝejo

La surlokaj kunvenoj de LEK okazas unu fojon monate, kutime la 2-an vendredon de ĉiu monato. La venonta kunveno okazos la 13-an de januaro kaj estos nia tradicia novjara festo. La kunvenejo troviĝas ĉe:

**Highbury View, 89 Ronalds Road, London, N5 1XQ**  
([goo.gl/maps/jNtGf5AcG68ogPrq6](http://goo.gl/maps/jNtGf5AcG68ogPrq6)).

La ejo estas facile atingebla de la metrostacio 'Highbury & Islington'. Temas pri pli-malpli 10-minuta piedirado. Por eniri la ejon, oni bezonas enirkodon. Ĝi estos dissendita per retmesaĝo antaŭ la kunveno. Se vi ne havas aliron al la interreto, bv. kontakti la sekretario (T. 07399 273515) por havi la kodon se vi intencas ĉeesti. Ekster la enirejo estos afiŝo kun kontaktonumero por tiuj, kiuj hazarde alvenos sen la enirkodo.

Kiel atingi Highbury View: **Metroo:** Highbury & Islington (linio Victoria). **Fervojo:** London Overground (Highbury & Islington) kaj Great Northern (Highbury & Islington aŭ Drayton Park). Autobusoj: 19, 263, 271, 30, 43.



## Novjara festo sed trea festo

**La 13-an de januaro 2023**, laŭ la bulteno okazos la kutima novjara festo de la Londona Esperanto-Klubo, kaj tio estas vera, sed pro koncizeco la bulteno ne rakontas tion, kio okazis la 12-an de januaro 1903-a antaŭ precize 120 jaroj.



Tiam oni fondis nian klubon, danke interalie al la agado por disvastigi Esperanton en Britujo de **William Thomas Stead**, kiu poste pereis en la fama subakviĝo de la ŝipego Titanic. Kaj la postan jaron Zamenhof mem per grandaj teknikaj klopodoj sendis voĉan saluton per vaksa cilindro, kiun ni aŭskultos dum la novjara festo. Pro tio la festo estas tre grava kaj ĝi meritas la novan adjektivon 'trea'. La novjara festo rolos kiel komenco de la kluba jubileo, kiu daŭros unu jaron.

La novjara festo komenciĝos je la 7-a kaj 15 minutoj vespere. Ĉar niaj novjaraj festoj estas manĝaj festoj, ankaŭ ĉi-jare vi estas petataj porti manĝaĵojn, sed iom pli solidajn ol la kutimaj biskvitoj, kiujn ni uzas en la nova sidejo ĉiufoje. Bonvolu konsideri, ke ĉeestos proksimume 20 homoj kaj do se vi volas porti ekzemple sandviĉojn, bonvolu porti kelkajn.

Ĝis la 13-a de januaro!

## Februara kluba vespermanĝo

La kluba vespermanĝo okazos la 24-an de februaro en la restoracio Chutneys, 124 Drummond Street NW1 2PA. Ni renkontiĝos ĉe la restoracio je la 7:00 ptm.



Partoprenontoj estas petataj anonci sian partoprenon al Daniel Hayon nur per ret-mesaĝo al [<danielhayon@hotmail.co.uk>](mailto:danielhayon@hotmail.co.uk).

Tiuj, kiuj pro iu kialo ne povas sendi ret-mesaĝon, rajtas telefoni al la sekretario, 07399273515

## Londona Esperanto-klubo



### Funkciuloj

Honora Prezidanto: Prof. John Wells; Honoraj Vicprezidantoj: Heleno Fantom, Joyce Bunting.

Anthony Bodineau (Prezidanto), Olga Kerziouk (Vicprezidanto), Matt Peperell (Vicprezidanto), Arturo Prent (Kasisto), Renato Corsetti (Sekretario), Terry Page, Anica Page, Antony Rawlinson, Phil Housley, Alexander Ord (konsilantoj).

Maurizio Giacometto (kompilisto de la Bulteno).